



Inatsisartunut ilaasortaq Nikolaj Jeremiassen, Siumut
Inatsisartut
-/MAANI

Aalisarnermik inuussutissarsiteqarnerup siuarsarneqarnissaa pillugu § 37 naapertorlugu apeqqummut 2013-195-imut akissutit

Inatsisartut suleriaasianni § 37 naapertorlugu apeqquutit aalisarnermik
inuussutissarsiteqarnerup siuarsarneqarnissaanut tunngassuteqartut saqqummiuppatit.

18-10-2013
Suliap normua. 2013-090324
Dok. nr. 1358278

Apeqquut

1. Nunatsinni inuutissarsiutit pingaarnersaat aalisarnerq siuarsarniarlugu Naalakkersuisut qanoq pilersaaruteqarpat?
2. Atuarfimmiit ingerlaqqingatik uneraannartartut aalisarnerup siuarsarneqarnissaani aamma eqaarsaatigineqarnerlutik?

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Akissut

1 pillugu: Maannakkumut suliniutit aalajangiiffigineqareersut kiisalu naammassineqareersut innersuussutigalugit, taava Naalakkersuisut piffissaq ungasinnerusoq eqqarsaatigalugu suliniutinik assigiinngitsunik aallartitsereerput. Inatsisartut upernaamut ataatsimiinnissaannut Naalakkersuisut pilersaarutigaat aalisarnerq pillugu inatsimmut allannguutissamik siunnersuuteqarniarlutik ukuningga allannguutinik imaqartumik:

- Atuisut ilisimasaasa ilanngunneqartalernissaat
- 50/50-ip atuuteqqilernissaa
- Aalisartut tunisassioortullu immikkoortinneqalernissaat

Tamatuma saniatigut piffissaq ungasinnerusoq eqqarsaatigalugu Naalakkersuisut pilersaarutigaat UKA 2014-imi aalisarnerq pillugu inatsisissat ataatsimoortut saqqummiunniarlugit.

Nunami tunitsiveqarnermut tunngatillugu Naalakkersuisut Royal Greenland A/S-imut nalunaarutigisimavaat ingerlatseqatigiiffiup ukiuni aggersuni nunami tunitsivini piorsarlugillu annertusassagai, aalisartut sapinngisamik pitsaanerpaamik tunitsivissaqarnissaat qulakkearniarlugu.

2 pillugu: Aallaaviatigut maannakkorpiaq aalisarnermik inuussutissarsiteqarnerup iluani atuartunut maanaannakkut atuarnerminnik unitsitsisimasunut immikkut sammitillugu ilinniartitsinissamik suliniuteqartoqanngilaq. Inuusuttulli atuarnerminnik unitsitsinnarsimasut Kalaallit Nunaanni Imarsiornermik Ilinniarfik taassumalu Uummannami immikkoortortaa aqutigalugit piniartutut aalisartutullu ilinniagaqarnissamat periarfissaqarput. Ilinniarnissamat tiguneqassagaanni meeqqat atuarianni naammassisaqarsimanissaq piumasqaataanngilaq, tulleriiarisartulli qinnuteqartut ataasiakkaat tiguneqarnissaannik aalajangiinerat aalajangiisuusarpoq. Uummannami Piniartutut Aalisartutullu Ilinniarfimmi ilinniarneq ukiuni marlunni ingerlanneqartarpoq, tassa atuagarsorneq suliamillu misiliisarnerit paarlakaallugit atuortoqartarpoq, tamatumalu kingorna ilinniartitaanerup aqqissuussaana naapertorlugu suliap aalajangersimasup iluani nutaaliorsinnaaneq siunertaralugu

immikkut ilisimasaqalernissamut ukiup affaa atuarnissamut periarfissaqarluni. Aammattaaq Kalaallit Nunaanni Imarsiornermik Ilinniarfimmit eqqarsaatigineqarpoq atuartunut meeqqat atuariannik naammassinnissimannngitsunut toqqaannartumik sammititamik imarsiornissamut piareersaataasumik pikkorissaasarnissap aallartinneqarnissaa - taamatut pikkorissaanikkut pikkorissartup atuariup imarsiornermik ilinniarfiani tiguneqarnissaanut piginnaanngorsarneqarnissaa siunertarineqarpoq. Naggataatigut paasissutissiissutigineqassaaq, aalisarnermut tunngatillugu isumannaallisaanermik pikkorissarluni imaatigut angalasoqarsinnaammat – inuusuttorli angalaqataassaguni minnerpaamik 16-inik ukioqalereersimassaaq.

Inussiarnersumik inuulluaqqusillunga

Karl Lyberth